

DISSE^TRAT^O CRITICA
DE
ORTU ET INCREMENTIS
LINGUA^E LATINA^E,

QUAM,

VENIA ORDINIS AMPLISSIMI PHILOSOPHORUM
AD AURAICUM INCLYTUM ATHENAEUM,

P. P.

JOHANNES GABRIEL LINSEN^V,
PHILOSOPHIE MAGISTER,

ET


HENRICUS GARDBERG,
STIPENDIARIUS PUBLICUS,
NYLANDI.

In Audit. Medico die XIV Decembr. MDCCCXI,

horis ante meridiem solitis,

P. L.

ABOÆ, TYPIS FRENCKELLIANIS.





Locorum instar amoenorum, quæ per cœlum nocturnum
tenues gradientis inter nubes taciturnæ lunæ languide
illustrantur radijs, facies fœse nobis offert antiquitatis, flore
artium & litterarum nobilitatæ. Ambulantis enim solitarie in
illis vehementer ut commovetur animus, visu & nemoris for-
ma arborum polymorpha admirandi, quod dulce etiam philo-
næ personat carmen, rivuli leniter fluentis murmure mix-
tum, & ex altera parte montium æriorum, longasque in
adjacentem sinum porridentium umbras, — nec tamen oculi
veram valent speciem rei ullius rite discernere: — haud ali-
ter pulchra & sublimia antiquæ culturæ contemplantibus monu-
men a sensus in pectore excitatur vividus & venerabundus,
frustra tamen conantibus, divinam præfici illius ævi indolem
potitus cognoscere atque perspicere. Mancum scilicet hoc &
difficillimum antiquitatis cognoscendæ studium efficit non ja-
aura tantum variorum eo tempore editorum eximii ingenii
artisque exquisitæ speciminum, ingens quidem illa vereque
Iugenda, sed ipse etiam genius valde singularis, qui semotis
illis saeculis viventium omnem moderatus fuit cogitandi &

A

agendi

agendi rationem. Quæ ipsa res, et si tanta parit incommoda, simul tamen incitamentum censeri meretur optimum, quo fortiter omnes impelli fas est veritatis cultores ad indefesam huic cognitioni acquirendæ dicandam operam. Patet enim, antiqui ævi culturam in eo fuisse insignem, quod adphantasiæ atque sensus hominis formandos in primis esset idonea, gentesque antiquas in ea re adeo excelluisse, ut recentiori cuivis palmam præripuerint. Cujus rei causam indaganti mox erit affirmandum, ne potuisse quidem aliter fieri. Convenientissimum enim est ordini, perfectioni & a diversis hominibus & a toto genere consequendæ præscripto, ut hæ animi facultates primæ maturescant. Quarum vero ad promovendam maturitatem maxime fuit necesarium, rapide ipsas ad omne percipiendum pulcrum in rerum circa hominem fusarum natura obvium allici: quo nutritæ læte germinarent floribusque superbirent lavavissimis. Quo autem ineffabilis pulcri amore antiquorum fuerit imbutum pectus, non sine summa animadvertere licet admiratione. Videbatur inter ipsos hicce amor, quasi numen quoddam in terram delapsum, suis in vestigiis novum & amabilissimum sparsisse decus. Humanitatem maxime honestabat, illam sibi eligens in terra sociam, tenerrimoque affectu amplectens. Et si vero vultum comiti amatæ plene conspicendum non præbuit, perpetuo se eidem celans crepusculo, nihil tamen eorum consortio fuit dulcius. Consertis ambulabant manibus: amplexi semet invicem in gelida umbra quieti indulgebant: otium illos ubique circumdabat solenne & divinum. Neque hic designatus est se illius facere æqualem, nec illa neglexit superiorem ignoti amici indolem imitari. Sic lætior erat rerum lætarum usus,

cum

cum ambo iisdem fruerentur: amaris ipsis dulcedinem quan-
dam admiscebant communes lacrimæ. Ignoscatur nobis, anti-
quitatis culturam depingendi studio insolenti hac ausis, uti
imagine. Addit audaciam ipsius rei mira sublimitas & maje-
stas. Voluimus quidem his indicare, laudatæ culturæ vi at-
que natura esse factum, ut animus mortalium, eadem probo
expolitus, perfectissimæ formæ cum adoraret pulcritutinem,—
principia quidem ejus explorata non habens, voluptatis tamen
inde ortæ plenus, — totam rerum naturam ad cœleste quod-
dam auxerit pretium, humanitatemque ibi eminentem cum
ipsa divinitate conjunxerit. Quamobrem apud antiquos in
omni virtu atque cultu, in rebus & domesticis & civilibus &
sacris luculenter impressa fuit effigies sandre omneque mo-
ventis peccus pulcritudinis. Artes vero elegantes, & præci-
pue decus illud ceterarum venustissima Poësis, huic certe anti-
quitatis genio & natales & absolutissimam, qua unquam sunt
gavisiæ, debent perfectionem: quod vel fide monumentorum
non consulta facillime quisque oportet intelligat.

Viam vero longe aliam recentioris ævi ingressa est cul-
tura. Cum enim ratio humana, ad cogitandum jam matura,
rerum causas cognoscendi cupidissima omnia sibi sumeret per-
scrutanda, veritatis quæcunque involucra tollens ipsas etiam
pulcri laceravit formas. Elanguit tum phantasie vigor sen-
tiumque evanuit ardor. Ac veluti quondam formosissimus
ille Paphius Amor, cum lampadis lumine illum dormientem
spectasset amata Psyche, olei stilla e somno experrectus aufu-
git: sic, Philosophiae accensa tamquam lucerna, pulcri, qui
ipsam foverat, ab entusiasmo humanitas se relictam mœsta

vidit. Culturam igitur antiquorum æstheticam nostra exceptit subtilis magis atque philosophica: cuius non amplius auxilio divinitas deducta est in terram humanitati socianda, sed e contrario divinitatem quæsitura æthera petit humanitas. Perfecta tamen atque consummata non nisi ea est, in qua utraque, tam æsthetica quam philosophica, æque continetur. Satis autem cum constet, cohortari jam nos omnia ad veritates perscrutandas abstrusissimas: gravissimum profecto humani generis est negotium, ut memoria saltem culturæ istius antiquæ, quam fieri potest vividissime, excitetur, animusque noster, illarum hebetatus caligine, hujus lætissimam intuendo viriditatem reficiatur atque recreetur.

Cui tamen sententiae a quibusdam forte occurretur quærentibus: licitumne sit adulto maturique ingenii viro, somniis teneri blandissimis, quæ adolescentis illius alma creavit phantasia, hisque inhærentem rerum seriarum stulte negligere curram? Humanumque an ultra deceat genus, peracto ævo, quo phantasæ atque sensus cultura viguit maxime, rationis suæ gravissimo jam studio excolendæ oblitum, ad præca reverti tempora, pulcrisque tum exhibitis denuo immerari imaginibus? Respondete autem liceat: homini quidem adulto minime convenire, ut reminiscendis totus inhæreat blandimentis & deliciis, quas innocens anxiisque vacua curis in somnio quasi ei olim præbuit juvenilis ætas: quod quidem vix valet, si etiam vellet. Neque tamen omnem earum amittere debet memoriam. Recolat vivide dies illos placidos & serenos, quibus

integer vitæ scelerisque purus

omne amavit verum, pulcrum & honestum, animo illud ardentι quærens: neque unquam est dubitandum, quin pie servata hæcce memoria præsentι ejus vitæ maximo sit futura emolumēto. Felicem oportet se censeat, judicio jam gaudens certiori, si, bonum aliquid & præclarum effecturus, eadem adhuc nobili calefcere sentiat pectus suum alacritate, qua juvenis fuit imbutus. Olim res vidit obscurius: & quamquam ardentissimus sœpe tum inania visumque fallentia est complexus. Jam autem vera discernens tantum ista æque amet. En tabulam, necessitatem commercii tibi pingentem, quod habere debet cultura generis humani recentior cum antiqua! Illa enim prohibet, ne incerta pro certis, falsa pro veris habeamus: haec opus est, ut stimulentur vires nostræ, promptæque effingantur ad res gerendas, nec unquam tabescant aut torpeant. Antiquorum enim doctrina, ut phantasiā atque sensus opportune formavit, ita ad pectora quoque pietate imbuenda fuit valde fructuosa. Minus quidem perspecta illis erant officiorum fundamenta: attamen intime pulcritudinem justi & honesti senserunt, nullaque recusata devotione sanctam virtutis imaginem, imis præcordiis repositam, agendorum enī sunt ratione exprimere.

Varia quidem sunt monumenta, temporis injuriis nondum pœsa, quæ ad utilissimam hanc antiquitatis cognitionem comparandam conducant. Cetera autem omnia gentium eximio isto humanitatis cultu eminentium linguae longe superant. Due in primis sublimes sese erigunt, perscrutantibusque antiquitatem

non

non minoris sunt æstimandæ, ac per noctem navingantibus quondam fuit pharus Alexandrinus. Græcam & Latinam his insigniri, quis non intelligit? Quæ enim ex aliis hauriri potest monumentis notitia, muta plerumque est atque mortua, conjiciendi tenuem ansam præbens; lucidam & vivam auctorum comprehendunt scripta, linguis hisce inclytis exarata. Sacra igitur illa exemplaria manu indefesa versantes, retro ad antiqua perducimur tempora: reviviscit nobis clarum mortalium genus, innumera ante saecula florens: delectamur quodammodo illius commercio, vinculisque soluti morum nostrorum minitorum, vitæ initiamur excelsæ simplicitateque solemini decoræ. HOMERUM legisti & VIRGILIJM, legissi PLATONEM & CICERONEM: neque vera hæc esse dubitabis. Concedas oportet te evolvisse libros, quibus nulla ætas pares conficiet, dure nisi fingas, cunctum genus humanum olim relapsurum esse in barbariem, & deinde ex integro ad cultum, quo jam fruitur, persequendum lente denuo contenturum. Quod si tamen in scriptis a WIELAND & GOETHE editis genium spirare sentis haud ignobilem antiquitatis, Musa Latiali atque Græcanica illos suis inflatos, non est quod dubites. Omnia autem maxime Gallici auctores felici hac caruerunt forte: quod superbia efficit gentis, linguæ vernaculae celebritate orta. Poësis quidem Gallica quantum a nativa differat antiquitatis indole, neminem fugit. Neque summus ipse VOLTAIRE est excipiendus. Aulicis constrictam vestibus Musam illius credas incedere (a). Eluceat forte ex his pretium

Litte-

a) Impudenter forsitan heic loqui multis videamus. Quid autem, quæso, amplius requiritur ad nos excusandos, quam propria

Litteraturæ Clasicae statuendum insigne, "Quam multas nobis imagines, inquit CICERO, non solum ad intuendum, verum etiam ad imitandum, fortissimorum virorum expresas, scriptores & Græci & Latini reliquerunt! (b)." At tu tamen, immortalis vir, præfigire haud potuisti, quot præclaras non fortissimorum tantum imagines, verum etiam humanissimorum, & tua & ceterorum, quos laudibus extulisti, scriptorum relictura esent sœculis intuendas atque imitandas remotissimis volumina. His quidem impulsus PETRARCA scholasticam medii ævi sustinuit vanitatem: hæ semper mentem humanam, per spatio nimis evagantem metaphysicæ, in gyrum reducent

fanæ

hujus auctoris attulisse verba, contemptum turpem totius antiquitatis exprimentia? "En effet, inquit, il n'y a pas un de nos capitaines de vaisseau, pas un seul de nos pilotes, qui ne soit cent fois plus instruit, que tous les Argonautes. Hercule, Théfée & tous les héros de la guerre de Troye n'auraient pas tenus devant six bataillons commandés par le grand Condé ou Turenne, ou Marlborough. Thalès & les Pythagores n'étaient pas dignes d'étudier sous Newton. Alcine & Armide valent mieux, que toutes les poësies grecques ensemble. Mais les premiers venus s'emparent du temple de la gloire: le temps les y affermit, & les derniers trouvent la place prise." Vide notam poëmati subjectam: *Ode pour Messieurs de l'Academie des sciences, qui ont été sous l'équateur & au cercle polaire, mesurer des degrés de latitude*, in *Oeuvres de M: r DE VOLTAIRE*, editionis in Bibliotheca nostra Academica aservatae Tome XII:me, p. 238. (PORTHAN, *Hist. Biblioth. Acad. Aboëns.* p. 362.) Quid dicere potuit indignius splendidissimum illud & simul superbissimum ingenium?

(b) ORAT. PRO AULO LICINIO ARCHIA POËTA, c. VI, s. 14.

stante sapientiae. Quia ipsa jam Philosophia, monstrante viam SCHELLING, festinare videtur repetitum ferta, quibus admodum puleris tempora ejus quondam PLATO innexit. — Neque tamen in modo, quo materiem suam classici tractant auctores, Iudatus hicce antiquitatis genius unice est cognoscendus: appareat luculentus in ipsis etiam linguae artificio. Hæc enim, cultura illa in dies crescente formata, indolem ejus in succum iuui, ut nos ei loquendi, & ianguinem non potuit non convertere.

Lingua igitur Græca & Romana culturæ antique cum recentiori illa connectandæ estimati debent vel solæ pernecessaria instrumenta. Negligendasne eas putet verus quisquam litterarum cultor? Immo vero totius humani generis causa colendas. Quod quidem exploratum esse & haberi voluiimus, antequam in nobilem illam Romanorum obitum proprius figamus, Ortum contemplaturi & Incrementa, quæ per saeculorum cepit ordinem: juvenili pectore vim grāte agitante, quam in ipsum etiam formandum humanam habunt. Critici quidem ingenii acumini ubertate tete aperuerit Linguae Latinæ pertractandæ materia: non nisi simplicem tabulam, aut si mavis narrationem tenellæ nostre perennitunt vites. Quam tamen simili ratione nobis ignoscendū in optamus, ut hominem omnes excusat coram Belvederensi statuē Apolline, cum oculis eruditis carens tacito illum adorat seniū, nec apud hunc Winkelmanniana describere arte valet.

De Ortu Linguæ Latinæ disquisitio.

*L*imatitur notio Ortui linguarum adfigenda: quarum etiam natales investigandi ratio exponitur. **LINGUA LATINA**, quæ primi in Italia usi sunt Aborigines posterique eorum *Latinis*, a gente deinceps Romuli coli cæpta, e *Celtica* illa antiquissima derivanda est.

Querela omnium memoriam antiqui ævi repetere optantium cum sit frequentissima, natales linguarum, quæ olim in honore fuerunt, fataque tenerimæ harum ætatis perscrutaturis, Cimmeriarum prorsus instar, occurtere tenebras, profundissimas quidem illas nec unquam penetrandas: non irritum tantum fore laborem huic nihilominus indulgentis rem adeo abs-trusam indagandi cupidini, sed stultum etiam & risu dignum habendum esse haud pauci forte arguent. Vera autem ut fateamur, ægre mortalium pectora in aliam ita converti possunt naturam, quin semper aut præteriorum persequi festinent vestigia, aut futurorum avide omnia speculentur. Quam igitur indolem, humanæ certe naturæ appriime accommodatam, artes colentibus, quæ ad humanitatem pertinent, magis etiam esse propriam, non est, quod nimis miremur. Nec immerito linguarum fata describenti cuique idem concedendum jus videtur, quod etiam ut necessarium omnes sibi vindicant historici, in fabularum quærentes nebulis conditionem generis humani antiquissimam percontari, ut huic deinde conjectura quasi auguratæ, suam melius adnectant de rebus lucidioribus narrationem. Speramus igitur datum nobis iri in ortu Linguæ Latinæ rimando paullisper commorandi veniam.

B

Ariad,

Ariadnæo vero nullo rei obscuræ pervestigaturi recessus ne adjuvari videamus filo, evolvere notionem ante placet Ortus linguarum universarum, methodumque, huic in singulis præpandendo aptam, ex illa rite evoluta elicere. Plene autem ut cognoscamus, quomodo orientur linguae, dialectorum, in quas discerpi solent diversissimas, examinanda erit ratio: quæ scilicet, ad liquidum perducta, ipsam de origine mox solvet questionem. Theoriam igitur Dialectorum delineare jam qualemcumque conabimur.

Mutari omnia ut lex jubet necessitatis inexorabilis: ita quoque linguarum, eidem subjectarum imperio, florent, cadunt, transformantur verba, quorum igitur cum nullus *stet honor vivax*, nulla *gratia*, nullius etiam linguae perpetuo idem manere potest status. Omnis autem, quam in linguis observare licet, dissimilitudinis duo sunt genera. Quæque enim dissimilis est lingua aut tempore diverlo, at eodem locorum spatio, aut spatio diverso, at eodem tempore. DIALECTUS quidem utrumque vocari potest genus, strictius tamen posteriori hoc vindicandum est nomen, priusque linguae vicissitudinum (*incrementorum & decrementorum*) nomine appellandum. Lingua scilicet, qua gensus utitur, perenni communis societatis vinculo juncta, tempore diverso at eodem spatio dissimilem esse patet. Res enim variæ (a), quibus formari atque commutari possunt linguae, omni-

a) "Andre Umgebungen bilden andre Menschen, wie der Mensch selbst sich wieder die Umgebungen bildet, und eins das andre bestimmt. Anders muss der Bewohner des Hochlandes, anders der

omnium ista loquentium tum æque os fingunt, quam ob causam ejusdem ætatis homines in universa gente pari loquuntur more, præsentique tantum tempore viventes a post genitis lingua discrepant. Cum primum autem quosdam inter cœtus casu quodam tollitur arctius hocce hominum ejusdem gentis commercium, & hi igitur a reliquis separati in unum se conglobant, illa jam oritur linguae dissimilitudo, quam spatio diverso at eodem tempore contineri dicas. Iisdem igitur tum rebus circumstantibus in diversis hisce cœtibus non amplius est locus: induit sensim lingua unius cœtus cultum & habitum, ab illo, quo conspicua est lingua alterius, magis magisque abhorrentem (b). Non male linguam cum arbore

B 2

com-

Bewohner der Ebenen sich äussern, und jeder das Gepräge seiner Umgebungen tragen." FRIEDRICH WILHELM RIEMER, *Kleines Griechisch Deutsches Handwörterbuch*, præfat. p. XIII.— Vocabula *Circumstantiæ*, *Res circumstantes*, *Circonflances*, *Liaisons*, *Umstände*, *Omfåndigheter*, quæ huic rerum quasi concatenationi (sit *venia verbo*) in variis imponuntur linguis, ab illo Germanico *Umgebungen*, primitivam rei notionem si spectes, parum differunt.

- b) Dissimilitudo hæcce spatii migrationibus in primis efficitur. Pars enim illa demigrans populi cujusdam lingua temporis successu locutura est, linguae patriæ tam dissimili, quam terra, ubi nova sua collocavit domicilia, a pristina patria est remota. Neque tamen omnis dissimilitudo spatii a migrationibus proficiuntur. Posunt quidem diversi cœtus antiquas retinere sedes, etsi frequenter desierunt misceri commercio. Linguam etiam tum diverso spatio revera dissimilem effectum iri, jure potest dici, cum disjuncto populo ipsa quoque regio (spatium), in qua habitant, in

comparēt. Quemadmodum enim hæc quotannis germinat: ita
linguae quoque increscent, cum eodem spatio sed tempore di-
verso habitum mutant. Si vero ramum a radice arboris sur-
gentem incidas & in aliū feras locum, in arborem is ex-
crescit novam, minimeque eandem, cui evulsus fuit ramus.
Sic dissimilitudines lingue, in spatio diverso occurrentes, non
plane eandem constituant linguam, sed diversas ejus dialectos.
E quibus jam hæc sunt colligenda: 1:o Omne postquam ita
cessaverit commercium inter duas dialectos, ut nihil altera
agat in alteram, diversaque utraque gaudeat naturæ quasi
fabrica, & omnis utriusque industria in se sola formanda po-
natur, pari quidem ratione ac succus rami de arbore abscissi
& denuo plantati non cum hac amplius communicatur sed ad
ipsum

plures disjungatur. Neque enim una pars divisæ gentis terram,
quam altera incolit, suam postea vocat: quod ante divisionem po-
tuit. — Si autem universæ euidam genti placaret, antiquas relin-
quere sedes, novasque sibi querere sub alia coeli plaga jacentes:
dissimilitudo lingue inde oritura ad prius illud genus eset refe-
renda. Quamquam enim lingua diversarum terrarum diverso modo
formatur circumstantiis; harum tamen effectus jam non spatiis, sed
temporis produntur diversitate, cum non amplius uno eodemque
tempore in distantibus illis terris lingua ista usu veniat. — Obser-
vare denique licet, in lingua populi, societatis quamvis vinculo-
juncti, aliquam nihilo fecius spatio diverso at eodem tempore dis-
similitudinem apparere, præsertim si habitat terram ingentis ampli-
tudinis. Loquuntur scilicet varie diversæ regiones. Sunt tamen
hujusmodi dialecti magis inobservatae, una semper florente atque
dominate.

ipsum hunc ramum nutriendum adhibetur: seu postquam in
harum utraque, ut in corpore organico (ad mentem Celeber-
rimi KANT definito), reciprocatione partium mutua quidquid
instrumentum est, est simul finis, & quidquid finis, id simul
instrumentum: tum utriusque harum dialectorum proprium suum
contigisse genium & utramque in propriam transiisse lin-
guam. Cujus rei id certum est indicium, quod homines di-
versis hisce dialectis utentes se invicem non intelligunt. 2:o
Quæ inter cives vigeant metropolum, Matrices appellandas
esse linguas: Propagines (*c.*), quibus provinciarum habita-
tores utantur. 3:o Qui igitur ortum linguae cuiusdam cognoscere cupiat, matricem hujus ei esse perscrutandam. Qui
labor ut bene ipsi succedat, duplex est adhibenda ratio: al-
tera externa sive historica, interna vero altera sive philo-
logica. Illa originem investigat gentis, lingua, de qua
quaeritur, utentis. Ad hanc autem pertinet, ut sollicite in
ipsa lingua exquirantur indicia, quibus demonstretur, illam e-
certa quadam alia esse derivandam. Ne vero haec frustra
quaeri putas, adspectum oportet parumper convertas in prim-
ævam Orationis humanæ conformatiōnem.

Absurdam esse tam eorum opinionem, qui d'ivinam
Orationi humanæ tribuunt originem, quam qui consensu
hominum voluntario illam credunt natam, opus minime est ut
osten-

c) His appellationibus utentes sequimur JOSEPH. SCALIGERUM. Vide
ejus Epistolam *Cosmographiae PAULI MERULE* p. II, l. I, s. 8,
insertam.

ostendamus. Nemo enim, facultates probe perspiciens homini concessas, dubitet, quin genita sit oratio illa primæva ex imitatione rerum sonantium, quæ hominem recenti vitæ dono fruentem circumdabant, hujus ex ore expresa. Qui soni imitantes, ad ipsas res sonantes exprimendas primum adhibiti, deinde significare cœperunt etiam res sono omni carentes. Cum enim rerum naturæ captus spectaculo rudis ille homo a pluribus quidem rebus similiter fere semet affici sentiret, nomine, quod sonantes illæ visæ fuerunt ipsæ sibi imponere, etiam non sonantes, parem utcunque ideam sensumve ipsi imprimentes, æque putavit insignandas (d). A paucis igitur profecta est Oratio humana elementis. Neque fieri potuit, quin verba e primis hisce sensim contexta cognitionem secum haberent evidentissimam. Quam tamen cultura linguarum magis magisque celat & imperspicuum reddit. Plura enim ium verba abj ciuntur obsoletaque fiunt; quæ cum articulos quasi constituant catenæ, quam percurrentibus propinquitas ultiatorum nobis appareret,

illis

d) Præclaræ rem explicat RIEMER, "Der Mensch, inquit, wirkt und schafft immer als ein Ganzes. Kein Sinn arbeitet für sich allein: sie helfen sich gegenseitig aus. Das Auge sieht nicht allein, das Ohr hört nicht allein u. so fort: aus ihren einzelnen Wahrnehmungen entsteht eine Gesammtempfindung, wofür das durch *sie* alle laufende Gefühl den Ausdruck wählt. So findet das, was dem Gefühl im Auge, im Ohr, im Geschmack und im Berühren schmeichelt, den Ausdruck durch einen ähnlichen Laut, wie das Entgegengesetzte-Wirkende durch einen dieser Wirkung angemesenen", L. c. præf. p. VIII.

illis jam perditis ipsa eorum, quæ in promptu sunt, difficultissima perspectu est propinquitas. Quam ob causam altiore ad eandem inveniendam p̄vestigatione est opus. Etymologiæ hæc venit nomine. — Ut autem affinia sunt plura cujusque linguae vocabula, sic cognatione semet attingunt etiam ad duas pertinentia, quarum altera dicit ab altera originem. Præterquam enim quod multa in utraque existent plane eadem verba, Radices etiam omnium linguae propaginis verborum in matrice ejus oportet querantur: iis tantum vocabulis exceptis, quæ ex tertia quadam suere adoptata. Jam si conferantur significaciones verborum in matrice & propagine cognitorum, quænam sit aut matrix habenda lingua aut propago, haud nimis difficulter eruitur. Physicæ videlicet & propriæ in matrice reperientur significaciones; verborum vero propaginis magna pars metaphoricas habebunt sive impropias. Observandum enim est, propaginis verbis raro easdem plane subjectas esse notiones, quas habent verba matricis. Quæ quidem notionum varietas multum afferet adjumenti ei, qui linguarum duarum cognatarum utra mater, utra filia fuerit, investigare cupit (e). Id tamen, observata simi-

e) Hac ipsa ratione voces primitivas a derivatis in eadem lingua posunt distingui — Significationum translatarum ingeniosa pleniusque est & audax vis antiquissimarum. Homo enim ex gremio matris naturæ nondum abstractus, infantis more parvuli ibi quasi dormitans, oculis nondum satis aut apertis aut argutis rerum haud satis acute cernere valuit discrepanias, sed similes illas judicavit, quarum nos similitudinem ægre intelligimus.

similitudine, duarum linguarum voces intercedente, cavendum est, ne nimis creduli usam mox alterius esse matricem censemus. Perpendenti enim cuique, orationem humanam rebus imitandis generatam esse sonoris, sed quarum plurimas eadem aut certe haud multum absimili ratione omnes imitantur homines, difficile haud erit intellectu, aliquot in omni lingua vocabula similitudinem cum alienigenis, undecunque producatis, haud obscuram servare. Ante igitur, quam certo statuamus, linguam quandam alterius vere esse matricem, maiore opus est istiusmodi genealogiae firmamento: quod duabus nobis visum est contineri argumentis: 1:o Etymologiarum frequentia & multitudine: 2:o Analogia in his consonantibus liquido & manifeste apparente.

In magna illa opinionum diversitate, quas viri multarum linguarum peritisimi de Latialis sermonis ortu atque natalibus conceperunt, plerisque arrisit & in vulgus etiam valuit ea maxime, cui placuit e lingua Græca nostram derivare. Romanorum haud paucos huic induluisse opinioni, satis constat. Sic e. c. QUINTILIANUS profiteri non dubitat, Romanum ex magna parte sermonem e Græco esse conversum, nominaque Latina plurima præcipue ex Aeolica ratione orta (f). Duabus in pri-

f) *De Institutione Oratoria*, L. I, c. 5, sq. Recentiores eidem addictos sententiae plures enumerat auctores JOH. NIC. FUNCIUS, diversas etiam aliorum haec de re recensens opiniones, quarum absurditatis nomine famosa est MELCHIORIS INCHOFERI, in *Historia*, quam vocat, *sacræ Latinitatis*, Noachum singentis in Italianam venisse, ut nepotem inviseret Javanem, Linguamque Latinam ab illo ducere originem. Citati auctoris *de Origine & Pueritia Lat. Linguæ*, L. I, c. 1, §§. 5-13.

TILL
DEN BÄSTE BLAND UPPFOSTRARE,
MIN STYFFAR,

COMMINISTERN

Hr. JÖRNLÄNN MAGN. TIMON.

*Min Far! jag vet, ej nänsin du begärde
för goda gerningar en annan lön,
än den du fann i dygdens eget värde,
vijs om den sanning, du mig alltid lärde,
att hon, blott hon, kan skattas dyr och skön.
Men tillståd dock en yngling för dig tråda,
som, fast ej lisvets skänk, fick allt af dig, --
allt hvad i lisvet mennisjan bør gläda.
Tillåt dess hjertas djup upplåta sig.
Han ville Orpheus tjusning: gåsva åga,
att ej för mensekor endast kunna såga
vålgerningarnas tal, han af dig njöt:
för djur, för trån han ville dem förklara,
och bjuda klippan sjelf hans vittne vara.*

Han mins, hur ödet snart för honom flöt
den oskuldsfålla barndomsålderns lycka.
Borttryckt ur skötet af dess gyldne frid,
han nödens jernhand kände på sig trycka.
Dock anade han dunkelt sorgens tid,
vid en förgräten, tröstlös moders smärta
så lycklig än, då, slutet till dess hjerta,
kan ej förstod, att hon så mången tår
göt för den faderlöses framtidsår!

Du kom, min Far: din hand den spåda räcktes,
och förd till dalen af en bortgömd bygd,
han der mot nöd och last vann lika skygd.
Hvar flund uppföstrarns vård till honom sträcktes,
Men icke nöjd, att liswa hjertats dygd,
du också tankens mognad ville främja,
och känslans fordran med förfländets sämja.
Vid horisontens rand du utgåde
det helga visdomsberget för hans öga;
och håg och krafter sökte honom ge,
med trågna steg att fråva till det höga
För svag — på vägen trötnade hans fot;
men, hulde, tag du dock hans tack emot!

JOHAN GABRIEL LINSÉN.

§. 13. Ut vero omnium, quas homines colunt, rerum, sic rei moralis progressio non recta linea, sed per ambages facta est & errores. Neque clematis, quæstus, societatis, imperii, consuetudinis, traditionis, casus, ceterarumque rerum externalium in hominum cogitandi & sentiendi rationem vis potuit, quin maximam efficeret diversis locis & temporibus, legum, rituum, præceptorum, opinionum moralium diversitatem.

Compares, duce Historia, primum gentes priscas inter se, deinde medium ævum cum antiquo & cum recentiori, tum vero hodiernas in diversis mundi partibus nationes, unam cum altera. Observes autem non modo religionis, legum, litterarum, sed bellorum etiam, commutationum civilium, coloniarum, commerciorum, artium in mores & moralia hominum judicia effectus varios & graves. Exemplo sit equitum medio ævo errantium, amoremque Dei & Feminarum profitentium, cum justitia & magnanimitate conjuncta fortitudo: quos cum Heroibus Græciæ antiquissimæ, Hercule, Theseo, ceterisque, comparare, non erit a re alienum (k).

C

§. 14.

k) V. CURNE DE ST. PALAYE *Mémoires sur l'ancienne chevalerie*, Vol. I — 3. Cujus generis ut plures sint libri, certi scilicet temporis mores & instituta describentes, optare convenit. Cf. MEINERS *Vergleichung der Sitten, der Verfassungen, der Gesetze &c. des Mittelalters mit denen unsers Jahrhunderts*, B. I — III Hannover 1793, 94.